



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

56. Ecclesiae de Rycke-vorsel & Malle à Ioanne Cameracensi Episcopo
dantur Canonicis Antuerpiensibus, an. 1194.

urn:nbn:de:hbz:466:1-10903

S. P. de Maisnilio.
 S. Russelli de Bosco.
 S. Hellini de Fornes.
 S. R. de Legra, & B. fratris mei.
 S. Nicolai Riffard.

Actum apud Fornes anno Domini CIC. C. XCIII.

1193.

N O T A T I O N E S .

Mancipia, seruos & libertos posterioribus etiam seculis apud Belgas, vt olim apud Romanos exstisset, ex varijs Ecclesiarum nostrorum monumentis constat. Horum nonnulla amicus noster Ferreolus Locrius in suo Chronico Belgico ad an. 868. recitat. Vide & infra ad an. 1243.

Dirum seruitutis iugum, Christiana libertate ac caritate indignum, Margarita Constantinopolitana, Flandriæ Comitissa, sustulit, & in Flandriam reuehi seuerè prohibuit, litteris editis, quas Insulis in archivis Canonicorum S. Petri adseruari, Molanus lib. de Canonicis commemorat.

L I L E R I V M) opidum Artesiæ, *Lilers*, in quo est celebre Canonicorum collegium; de quo supra lib. 1. cap. 30, egimus.

F O R N E S) Furnæ, opidum Flandriæ; in quo celebris visitur Canonicorum ord. Præmonstratensis Abbatia, S. Augustino sacra, qui iuuentutem docent, exemplo Patrum Soc. Iesu, Augustinianorum & Dominicanorum in Belgio.

C A P V T L V I .

*Ecclesia de Rijcke-vorsel & Malle à Ioanne Cameracensi Episcopo
dantur Canonicis Ansuerpiensibus an. 1194.*

I N nomine sanctæ & indiuiduæ Trinitatis, amen. IOANNES, Dei gratia Cameracensis Episcopus, omnibus ad quos præsentes litteræ peruererint in perpetuum.

De necessitate suscepitæ administrationis astringimur, ecclesiasticarum personarum ita commodis prouidere, vt ipsis possessiones, pia fidelium deuotione collatas, & in posterum conseruemus, & etiam augmentemus seruatas,

X X

Ea-

Eapropter dilectis filijs nostris Antuerpiensis ecclesie Canonis, ad usus ipsorum, ob remedium animæ nostræ, altaria de FORSELA & de MALLE liberè & absolute contulimus; donationem nostram præsentis paginæ patrocinio, & nostri sigilli auctoritate, in posterum confirmantes; & ne quis amplius hoc infringere præsumperit, sub periculo excommunicationis inhibentes.

1194. Datum Cameraci, per manum magistri Roberti, anno verbi incarnationis M. C. XC. quarto, XIIII. Kalendas Martij.

N O T A T I O.

VORSEL, hodie *Rijcke-vorsel*, vicus Campanie Brabantina, haut procul ab Hochstrato, ad Comitem Hochstratanum, ex gente Lalaina, pertinet.

C A P V T L V I I .

Henricus VI. Imp. an. 1196. Comitatum Velue Balduino Ultraiectensi Episcopo confirmat, Balduinus autem Henrico Loth. Brabantiaq[ue] Duci concedit.

IN nomine sanctæ & indiuiduæ Trinitatis. HENRICVS VI. diuina fauente clementia Romanorum Imperator semper Augustus, & Rex Siciliæ.

Imperatoriaæ maiestatis nostræ debitum postulat & requirit officium, vt ea quæ inter fideles & Principes Imperij, causam & fo- mitem dant discordiæ, lima correctionis & diligentiae eneruant, ad firmam pacis concordiam vigilanti studio ipsos satagamus re- ducere.

Quapropter notum facimus vniuersis Imperij nostri fidelibus, præsentibus & futuris, quod nos quæstionem illam, quæ iam diu ver- tebatur inter dilectos consanguineos nostros BALDVINVM Traiectensem Episcopum, & HENRICVM Ducem Lotharingiæ, super Comitatu VELVÆ (in eo videlicet, quod ipse Episcopus Comita- tum illum de concessione Imperatoris sibi & ecclesiæ Traiectensi asserebat pertinere, & è contrario Dux Lotharingiæ dicebat, quod ipsum Comitatum de manu nostra teneret in fide & feudo) ad hunc